

БЕШИНЧИ НАЪТ

Меърож кечаси таърифидаким, каримаи: «Субхоналлази асро» анга мусаддаки дурур ва «би-абдихи лайлан минал-масжидил хароми илал-масжидил-аксо» анинг субутига икки гувохи содик.

Бир кеча зулматка колиб коинот,
Мехр нихон ўйлаки айнул-хаёт.

Гарчики ул чашма назардин кочиб,
Хизр кўк узра катаротин сочиб.

Тун килибон гардини анбар сиришт,
Бутратибон ерга насими бихишт.

Ер курави шакл ила мижмар бўлуб,
Кеча саводи анга анбар бўлуб.

Ўт киби ер мижмари остида мехр,
Ёпиб этак мижмара узра сипехр.

Ёғибон орому сукун ёғини,
Паст килиб ходиса туфроғини.

Бу кеча ул сарви гулистони унс,
Равшан этиб шамъи шабистони унс.

Васл хаёлидин этиб кўнгли хуш,
Бахрдек ул жўш ила айлаб хуруш,

Ким этиб ул сойири улвий маком,
Илгида бир тойири улвий хиром.

Пўяда кўк сайрича ором анга,
Ердин ўлуб кўккача бир гом анга.

Косиди кудсий чу салом айлабон,
Хак соридин арзи паём айлабон.

Дебким, аё махзани асрори шавк,
Хакдин эрур васлингга изхори шавк.

Чунки набий муждаи жонон топиб,
Муждаи жонон чу топиб жон топиб.

Пайки ани кўлдабон отландуруб,
Рахшани келган сори-ўк ёндуруб.

Сойир ўлуб рокиби фаррух жамол,
Тойир ўлуб маркаби фархунда фол.

Гарди била бораи суръатнамо,
Еткурубон акл кўзига амо ()

Ул махи шабгард бўлуб жилва соз,
Жилвагахи борча шабистони роз.

Чун етибон кўк сори тавсан анга,
Ой бўлубон ўтгали равзан анга.

Тийри каламзан чу топиб ул шараф,
Букаламунлугни килиб бартараф.

Зухра тараб барбатини соз этиб,
Замзамаи тахният оғоз этиб.

Соясидин меҳр чикармай жамол,
Тахти шиоъ ичра нечукким хилол.

Меҳрида Баҳромки якрў бўлуб,
Тиги шараф юзига кўзгу бўлуб.

Мавкибидин поя топиб Муштарий,
Йўлида бир поя бўлуб минбари.

Шамъи Зухал зулматини нур этиб,
Зангийи шабрангни кофур этиб.

Хам Хамалу Савр бериб жон анга,
Жон этибон иккиси курбон анга.

Хам тонгибон олида Жавзо камар,

Хам Саратон туз бўлубон жилвагар.

Шер йўлидин тутубон гўшаи,
Сунбула рахшига бўлуб тўшаи.

Палла йўли гардидин иксир санж,
Акраб аро нўшу даво, нишу ранж.

Кавс тутуб чилла дуоси учун,
Жади бериб фулла гизоси учун.

Далвга Юсуф киби солмай назар,
Хутда Юнус киби килмай макар.

Ел киби чун катъи буруж айлабон,
Арш фасилига уруж айлабон.

Фарши бўлуб арш ила лавху калам,
Куймок учун рахши аларга кадам.

Рафраф уза пўя килиб чун кушод,
Хамраҳу рухравга этиб хайрбод.

Колмади йўлида чун асло макон,
Килди макон бодияи ломакон.

Олти жихат кайдидин ихрож ўлуб,
Тўрт гухар тарки анга тож ўлуб.

Йўклуб аёги била солиб кадам,
Андаки йўлу кадам ўлуб адам.

Ўзлугидин накшу намудор йўк,
Накшу намудоридин осор йўк.

Чўн ўзини айлаб ўзидин халос,
Пардаи иззатда килиб ўзни хос.

Анда етиб гум бўлубон ўтриси,
Хар неча кўз солса, бако кўзгуси.

Чун бўлуб ул кўзгуда сурат намо,
Кўзгусидин ташкари колгон фано.

Ахтарига чун етибон мунча авж,
Зохир ўлуб баҳри иноятка мавж.

Хак тилидин умматин истаб тамом,
Хакдин ўлуб борча муродига ком.

Хамрах анга колаби хокий насаб,
Гар десалар бор эди йўктур ажаб.

Ким тан анга боштин-оёк жон эди,
Жони доги восили жонон эди.

Икки жахон рахматини козғониб,
Хар нимаким козғониб, олиб ёниб.

Равшан ўлуб юзидин ул боргох,
Сурма килиб гардини бу коргох.

Гунча бориб, тоза гулистон келиб,
Зарра бориб, мехри дарахшон келиб,

Борғонию келгани бир он ўлуб,
Акл бу мансубада хайрон ўлуб.

Кайда хаворик била муъжиз дурур,
Акл анинг идрокида ожиз дурур.

Борғону келган анга жузви сагир,
Ким эмас ул жузв тажаззий пазир.

Катъ бўлуб чун бу хумоюн сафар,
Рухсат олиб ходийи фархунда фар.

Тахт уза олам шахи айлаб маком
Олам ишига берибон интизом.

Шаръи тили нома баёзин ўкуб,
Тиги суйи куфр саводини юб.

БЕШИНЧИ НАЪТ

Меърож кечаси таърифиди; олижанобликдирким, «Ул зоти пок» садокатли бўлиб, ўз бандаси (Мухаммад с.а.в) ни бир кечада Харам масжидидан Аксо масжидига олиб борди ва бунинг исботига икки содик гувоҳ бордир
Кечаларнинг бирида коинотни коронгилик босиб, куёш оби хаёт булогидек яширинган

эди. Гарчи у булок кўзга кўринмаса хам, Хизр кўк узра ундан катралар сочарди. Тун чангларини анбарга айлантирган, уларни жаннат шабадалари Ер узра таркатар эди. Ер юмалок шаклдаги хушбўй идишга айланиб, тун коронгилигидан унда анбар тайёрланаётгандек эди. Ер идиши остида Куёш ўт ёкаётган, идишни эса Осмон ўз этаги билан ёпиб тургандек кўзга ташланарди. Ором ва тинчлик ёмгири ёғиб, юз бераётган ходисалар тўзонини пасайтиришга интиларди.

Шу кеча дўстлик гулистонининг сарви дўстлик хонасининг шамъини янада равшанрок килди. Учрашув хаёли билан кўнгли хурсанд бўлиб, денгиздек жўш уриб хайкирди. Шу пайт олий макомли сайёҳ етишиб, кўлида эса кушдек учадиган отнинг жиловини ушлаб турарди. Бу от кўкда сайр этишдан ором олиб, унга Ердан осмонгача чикиш бир кадам бўлди. Аллохнинг пок хабарчиси унга салом килиб, Аллох номидан унга маълумот бериб деди: «Эй шавкли сирларнинг хазинаси! Аллох сени кўришга ўз шавку истагини билдирмоқда. Чунки пайгамбар жонон хабарини топган экан, унинг жонон хабарини топгани янгидан жон топганидир».

Хабарчи унга ёрдам бериб, отга миндириб, отни ўзи келган томонга кайтариб олиб кетди. Шу равишда бу олижаноб, очик юзли отлик сайр килар, толеъи баланд оти кушдек учар эди. Бу тез чопишга ўрганган от чанг кўтариб, акл кўзини кўрмайдиган холатга соларди. У тун коровули — Ой эса жилва килиб, барча сирли кечалар унга кулиб турарди. Бу от кўтарилиб кўк осмонга етганда, Ой ўтиш учун унга туйнук вазифасини ўтади. Калам эгаси Аторуд бунда хурмат қозонган, букаламунлиг — иккиюзламачиликка йўл кўймаётган эди. Зухра хурсандчилик барбатини созлаб, й (Пайгамбар)ни замзама билан кўллаб бошлади.

Куёш ўз сояси билан унинг жамолини тўсиб турар, хилол эса шуъла остида беркингандек эди. Мехрида Бахром (Миррих) бирсўз бўлиб, шараф тиги юзига кўзгу каби эди. Унга якин юришдан Муштарий янада мартабаси ортиб, йўлидаги бир зина унга минбар бўлди. Зухал шамъи коронгиликни ёритиб, (Пайгамбар)нинг занги (негр)дек кора отини ок килиб кўрсатди. Унга Хамал хам, Савр хам жонларини бераётгандек, тогрироги, иккиси хам жонини қурбон этишга тайёр эдилар.

Хам олдида Жавзо камарини тортиб болаган, хам Саратон ўзини тик тутиб, жилва килар эди. Шер (Асад) йўлидан бир гўшани эгаллаб, Сунбула унинг отига йўл озиги бўлди. Палла йўли гардини кимматбахо иксирдай ўлчар, Акраб орасида ичкизиш, даволаш, (нина) санчиш, огритиш ишлари олиб борилмоқда. Кавс эса чиллага ўтириб, дуо килиш пайида. Жади (тоғ эчкиси) унга етиши учун (озиг бўладиган) биринчи сутини келтиради. Далва Юсуф каби назар солмай, Хутда Юнус каби тўхтаб ўлтирмади. У елдек хамма букларни кесиб ўтди ва Осмоннинг Арш кисмига кўтарилди бошлади. Унга пояндоз Арш хамда Лавху Калам бўлиб, унинг оти нак ўшаларга кадам босиши керак эди. У энди Рафрафга миниб, хамрохи ва йўловчи билан хайрлашди. Энди бораётган йўлида хеч қандай макон қолмади. У йўклик (ломакон) даштини ўзига макон этди. Бунда у олти жихат бандидан ташқарига чикиб, тўрт гавхарни тарк этиш унга тож кийишдек бўлди. Йўклик оёғи билан кадам босар экан, аслида йўл хам йўк эди, кадамнинг ўзи хам. Ўзлигидан на накш қолган эди, на бир кўриниш, хатто бу айтилган нарсалардан бирон асар хам. Шу йўл билан у ўзини ўзидан халос килиб, шу равишда ўзини иззат пардасига хос, лойик деб топди.

У ерга етиб караса, рўпарасида хеч нарса йўк эди. Қанча карамасин, бокийлик кўзгусини кўрар эди. Кўзгуга бокканда унда суратга ўхшаш бир нарсалар кўринар эди, холос. Нима ўткинчи (фано) бўлса, ташқарида қолган эди.

Унинг юлдузи шунча баланд кўтарилганда, мархамат денгизида мавж пайдо бўлди. У Аллох тилидан умматларининг хаммасини истай бошлади ва Аллохдан барча мурод-максадига эришди.

Аллохга тупрокдан бўлган тана хамрохлик килди. Агар: «Шундай бўлди!» — дейилса, шундай, бунга ажабланмаса хам бўлади. Чиндан хам унинг тани бошидан-охирига кадар жон эди. Лекин унинг жони Жононга етишган эди. У икки дунё рахматини кўлга киритган бўлиб, нимага эришган бўлса, хаммасини ўзи билан бирга кайтариб олиб келган эди. Унинг юзидан у — илохий даргох кандай ёруг бўлган бўлса, оёгидаги чангларни бу дунё хам ўзига сурма килди.

У (Пайгамбар) Аршга гунча бўлиб борган бўлса, Ерга тоза гулистон бўлиб кайтди; зарра бўлиб борган бўлса, порлаган Куёш бўлиб кайтди.

Унинг Меърожга чиккани ва кайтиб келгани бир онда юз берган бўлиб, акл бундай тадбирдан хайронликда! Кайда ажойиботлар ва мўъжизалар кўп бўлса, уларни идрок этишда акл ожиз бўлади. У (Пайгамбар)нинг чикиши ва кайтишига кетган вақт кичикнинг кичиги бўлиб, бу фурсат тахлилга арзимади.

Бу бахтли сафар шундай тугаб, кутлуг йўлбошчи рухсат олди.

Олам подшохи тахтида ўлтириб, хам ишини интизомга солишда давом этди. Шариат тили кўчирилган дафтарни ўкиб, тириклик суви эса куфр коралигини ювар эди.